

МАНСУР ЮНУС

ТОНГ САБОЛАРИ


ШЕЪРЛАР



Тошкент
«Янги аср авлоди»
2009

Истеъдодли ёш шоир Мансур Юнус шеърлари республика матбуотида мунтазам равишда чоп этилмоқда. Кўпчилиги қўшиқ бўлиб, таниқли хонандалар тамонидан ижро қилинмоқда. Улар турли кайфиятда, турли руҳий ҳолатларда ёзилган бўлса-да, кўнгилга яқин, саҳарнинг сарин саболаридек ёқимлилиги билан сизга манзур бўлажак, азиз китобхон!

*Китобни нашр қилишда яқиндан кўмак берган
Ўзбекистонда хизмат кўрсатган артист Илҳом
Фармоновга ўз миннатдорчилигини
билдираман.*



ISBN 978-9943-08-446-9

© Мансур Юнус. «Тонг саболари», «Янги аср авлоди»
2009 йил

ИЖОДИЙ ПАРВОЗ ТИЛАБ

Мансуржонни анча йиллардан бери биламан. Ниҳоятда самимий, юмшоқтабиат, одамгарчилиги бор йигит. Талаба эди, ҳозир эса аспирант. Унча-бунча мақолалар ёзиб, журналист сифатида танилиб қолган.

“Тонг саболари” сарлавҳаси остида жамлаб, тўплам ҳолига келтирган шеърларини қизиқиб ўқиб чиқдим. Устози Муҳаммад Юуфга ўхшаб дард билан ёзишга интилган. Айрим шеърлари уникига ўхшаб шўх, ўйноқи ҳолда ёзилган.

Баайни, шоҳи атласда айланиб рақс тушаётган раққосанинг санъатини эслатади. Бу яхши албатта, буни олқишлаш керак!

Ёш шоирнинг “Ойдиной”, “Ният”, “Қашқадарё”, “Ўзбек аёли”, “Кўзларингда яшайман” каби қатор шеърларида унинг ўзига хос овози, ўзига хос поэтик мушоҳадаси борлигини кўриш мумкин.

Келажакда ўз юртининг ҳақиқий шоири, куйчиси бўлишини умид қилиб, бу йўлда унга сабот, матонат, тинимсиз изланиш ҳамроҳ бўлишини истаб.

*Аббос САИД,
Ўзбекистон Ёзувчилар
уюшмаси аъзоси.*

*Падари бузрукворим Абдулло ЮНУСОВ,
онажоним Невара БЕКМУРОДОВАнинг
мўтабар 70 ёшларига бағишлайман*

ВАТАН БУ

Туркий элим мақбаралар савлатинг,
Қадим мерос мадрасалар давлатинг,
Завол билмас мангу буюк санъатинг,
Темурийлар даврон сурган Ватан бу!

Ҳисор тоғларидан баланд бардошинг,
Сурхон сойларида оққан кўз ёшинг,
Катта карвон бугун улуғ юртбошинг,
Навойлар макон қилган Ватан бу!

Улуғбекни посбон қилган юлдузлар,
Синолардан дармон толган кўр кўзлар,
Мусофирдир, юзлаб ўғлонин излар,
Бобурларга армон бўлган ватан бу!

Билсанг Ватан, ҳар бир қалбда саждагоҳ,
Қўшиғимсан, куйларимга бўл ҳамроҳ,
Ўзбек элим сени асрасин Аллоҳ,
Тангрим назар солган улуғ Ватан бу!

ОЙДИНОЙ

(Жияним Ойдиной хотирасига)

Кўкда тўлин ой негадир,
Зулматларга чўмилди.
Норасида лагаинам,
Қаро ерга кўмилди.

Миттигина кўзмунчоғим,
Кўз тегдими сенга айт.
Бу дунёдан эрта кетдинг,
Икки ёш тонги отар пайт.

Риё, таъма, кин, ҳасадлар,
Оловларга кўмилсин.
Маҳшар куни Ойдинойим,
Дийдорларга чўмилсин.

Қабристоннинг бир четида,
Кулиб турган лолам бор.
Юрагимнинг туб-тубида,
Бир ўкинчли нолам бор.

ҚАШҚАДАРЁ

Боғларинг жаннатдур, жўшқин, лоларанг,
Пурвиқор тоғлардек мағрур ҳар боланг,
Аллоҳга етгуси қилган ҳар ноланг,
Темур бешигини тебратган диёр,
Соҳибқирон юрти, эй Қашқадарё.

Одабийлик шаънин улуғлаган юрт,
Ҳар қадами қутлуғ, пок иймони бут,
Сен ўзбек гулшани, қаддингни тик тут,
Абдулла Орифга бердинг сен зиё,
Алломалар юрти, эй Қашқадарё.

Оқсарой, Кўкгумбаз буюк санъатинг,
“Дор-ус-Саодат”лар мангу ҳикматинг,
Шоирлар, ҳофизлар сўнмас савлатинг,
Сен меҳрибон онамга ўхшайсан гўё,
Мени улғайтирган, эй Қашқадарё.

Номингни ҳамиша куйга соламан,
Тенгсиз чиройингдан илҳом оламан,
Сенда туғилганман, мангу қоламан,
Дардларингга дармон бўлай, илоё,
Она юртим, онамсан, эй Қашқадарё.

ГУЛИРАЪНО

Қоплари ёй камон жанона кўрдим,
Тўлинойдек ҳуснига парвона бўлдим.
Ишқ шаробин ичиб мастона бўлдим,
Сизни севиб қолдим, эй Гулираъно.

Исмингизни ёзсам куяди қалам,
Ўтли нигоҳингиз дардимга малҳам.
Сизни севганлар кўп бу менга алам,
Сизни севиб қолдим, эй Гулираъно.

Йўлингизни кутиб ўтмоқда умрим,
Нетай баланд дорга етмайди қўлим.
Сиз менинг баҳорим, сиз менинг гулим,
Сизни севиб қолдим, эй Гулираъно.

Сизни алмашмасман бевафоларга,
Сиз деб яшайман бу дунёларда.
Аллоҳ бахтин берсин дарди борларга
Сизни севиб қолдим, эй Гулираъно.

НИЯТ

Тунлари бедор ўтган оналар,
Меҳридан улғайган оқил болалар.
Тангрига етгуси буюк нолалар,
Шодликка элтади покиза ният.

Чин ошиқ вафо куйин чалади,
Инсондан яхшилиқ, меҳр қолади.
Номард шайтон ошига қўлин солади,
Шодликка элтади покиза ният.

Муқаддасдир шоҳи тўшак чимилдиқ,
Бўй қизлар баҳори, боғи чимилдиқ.
Ширин хаёллар белбоғи чимилдиқ,
Шодликка элтади покиза ният.

Белдан қувват кетар, сочга оқ тушар,
Юзга ажин қўнар, қўл асо ушлар.
Қалбларга ин қурар соҳири қушлар,
Шодликка элтади покиза ният.

ВАТАН

Сенда кўзим очдим, сенда дунё кўрдим,
Сени алланг сеҳридан мен кучга тўлдим.
Сен бешигим тебратдинг, чин инсон бўлдим,
Мен пойингда сажда қилай, Она Ватан!

Боболарим ҳоки ётган она замин,
Момоларим алёр айтган она замин.
Чимдим лойинг билан қушлар қуради ин,
Тупроғингни кўзга суртай, Она Ватан!

Фарзандингман, сочингдаги битга толанг,
Дардларимнинг саноғи кўп – ўксик боланг.
Ўтмишдаги армонингман – буюк ноланг,
Бўйгинангга тумор бўлай, Она Ватан!

Бир кун танам азиз тупроғинг қучади,
Руҳим абад пок осмонингда учади.
Ҳар баҳорда қабрим узра гул унади,
Дардларингни ўзим олай, Она Ватан!

Сенда буюк аجدодларим топди имкон,
Меросидан авлодларим топар дармон.
Сени қадрингни билмаган нокас, нодон,
Мен улардан ўч олайн, Она Ватан!

ЮРАК НОЛАСИ

Ишқнинг изтиробидан,
Ғамгусор бўлган юрак.
Умрим сарҳисобидан,
Дилафгор бўлган юрак.

Муҳаббат оловида,
Кул бўлганинг етмасму?
Бевафонинг қўлида,
Қул бўлганинг етмасму?

Ҳар бир қалбни янгилаб,
Пойида тиз чўкасан.
Армонларга бурканиб,
Нечун кўз ёш тўкасан.

Сенга интизор ошиқ,
Кўчасидан ўтмадинг.
Кўз ёшига раҳм этиб.
Дарвозасин чертмадинг.

Бир париваш мисоли,
Қалбларимга жо бўлдинг.
Юрагимни кемириб,
Сен мени адо қилдинг.

Айтгин, сенга не керак,
Беозор, мушфиқ юрак.
Шунча қийнадинг етар,
Энди унутмоқ керак.

ОҚИБАТ

Сенсиз бу дунёда адашдим,
Давлату мансаблар талашдим,
Мен билан қолгин деб курашдим,
Қалбимдан кетмагин оқибат.

Дононинг кўзида ёш кўрдим,
Нодоннинг қўлида тош кўрдим,
Мен ҳамон пойингда бош эгдим,
Қалбимдан кетмагин оқибат.

Не учун осмонни севасан,
Сохта қалб борлигин сезасан,
Кетмоқлик режасин тузасан,
Қалбимдан кетмагин оқибат.

Сен отамдан қолган ёдгорсан,
Онамдан эсдалик туморсан,
Сенсиз яшамасман, хуморман,
Қалбимдан кетмагин оқибат.

Инсонлар меҳрдан яралган,
Ҳаёти оқибат аталган,
Поклигинг оламга таралган,
Қалбимдан кетмагин оқибат.

Сен доим шамчироқ йўлимда,
Сенсиз мазмун йўқ умримда,
Аллоҳ инъом этган кўнглимда,
Қалбимдан кетмагин оқибат

ОНА ДУОСИ

Онажон, сизни соғиндим яна,
Ёнингизда бўлсам дейман парвона.
Сизсиз бу дунёлар ғариб бир хона,
Сиз қилган дуолар асрайди мени.

Олисларда юрсам, омон бўл дейсиз,
Фақат яхшилик қил, тўғри юр дейсиз.
Ижобатдир ҳар бир дуоларингиз,
Сиз қилган дуолар асрайди мени.

Ёдимдадир айтган аллаларингиз,
Худойимга қилган нолаларингиз.
Омон бўлсин доим болаларингиз,
Сиз қилган дуолар асрайди мени.

ШОИР СЕВГИСИ

Кўзингизда ҳамиша,
Севинч ёши порласин.
Бу покиза қалбингиз,
Муҳаббатни чорласин.

Орзулар осмонида,
Армонингиз қолмасин.
Ишқ куйин чалинг мудом,
Ошиқ диллар янграсин.

Садоқат эрур вафо,
Ваъдасидан тонмасин.
Куйла шоир севгисин,
Алёрлари янграсин.

ИШҚ

Ул ёрга жоним бердим,
Азобига солди ишқ.
Дилда пок муҳаббатим
Тори бўлиб қолди ишқ.

Чертаман кўнгил торин,
Шўх навосин олди ишқ.
Нетай, ёр ёш бошима
Савдоларин солди ишқ.

Ошиқ дил қонлар ютиб,
Айрилиқда қолди ишқ.
Армонни қўлин тутиб,
Шаробидан қонди ишқ.

Майли, ёр, жонимни ол,
Юрак ёнди, ёнди ишқ.
Эй хаёл, мен билан қол
Ваъдасидан тонди ишқ.

ЎЗБЕК АЁЛИ

(Устозим Назира ас-Саломга)

Меҳробида дунё поклансин,
Хитобида олам шодлансин,
Алласида қалблар тоблансин,
Ҳар дилбанди бўлсин иболи,
Сизга таъзим, ўзбек аёли.

Сиз тутасиз вафо майини,
Дилга поклаб ҳаё сайлини,
Назокатнинг созу найини,
Куйлар унинг ёруғ хаёли,
Сизга таъзим, ўзбек аёли.

Садоқатнинг чертиб созини,
Латофатнинг хуш овозини,
Ҳар кўнгилнинг тинглаб розини,
Мадҳ этади унинг дуоси,
Сизга таъзим, ўзбек аёли.

Изларида жаннат иси бор,
Сўзларида эркалар баҳор,
Сизсиз дунё қалбимизда тор,
Ҳар кўнгилнинг мангу баҳори,
Сизга таъзим, ўзбек аёли.

ШАҲРИСАБЗ ЙИГИТЛАРИ

Шивирлайди юрагим,
Шеър ёзип ҳеч иш эмас.
Шаҳрисабз йигитлари
Шоир бўлса ярашмас.

Қўй, юрак, ундай дема,
Қучоқлама армонни.
Мени қийнаб бунчалар
Йиғлатмагин осмонни.

Шаҳрисабз йигитлари,
Шоир бўлса ярашар.
Шоирларга одамлар
Ҳавас билан қарашар.

КЎЗЛАРИНГДА ЯШАЙМАН

*(Санъаткор Алижон Исоқов
волидаси Муаззам ая хотирасига)*

Ўғлим, қўлда торинг бўлсин,
Куйла халқнинг дардини.
Куй сеҳрига дунё тўлсин,
Куйла инсон мардини.

Аллоҳ сенга мадад берсин,
Айро тушма иймондан.
Бу саҳоват қўлларинг ҳеч,
Узилмасин Қуръондан.

Дуоларим ҳамроҳ бўлсин,
Пок ниятли ишингда.
Кўзларингни ёшлама ҳеч,
Кўрсанг мени тушингда.

Мен яшайман кўзларингда,
Кўзларингни асрагин.
Мен яшайман сўзларингда,
Сўзларингда асрагин.

Фарзандларинг камол топсин,
Бахту иқболим ўзинг.
Бу дунёда мангу қолсин,
Куйга муштоқ ҳар сўзинг.

Пешонангни силар қўлим,
Бўлдинг танамда дармон.
Халқ дардига дармон бўлгин,
Торинг билан Алижон.

Саҳна буюк, муқаддасдир,
Ризқинг бут бўлсин, болам.
Ҳар қадаминг қутлуғ бўлсин,
Сени танисин олам.

Сени дилбар қўшиқларинг,
Ноласида яшайман.
Алижон, мен фарзандларинг,
Кўз қорасида яшайман.

ИЛТИЖО


(Устозим шоира Замира Эгамбердиева хотирасига)

Тугар бир кун инсон ердаги йўли,
Ер бағрин қучади саҳоват қўли.
Осмонга учади ҳокисор руҳи,
Ўзинг раҳмат қилгин, эй Қодир Аллоҳ.

Давлатинг ортингдан таъналар қилар,
Дўстинг кўз ёш тўкар, душманинг кулар.
Она зор йиғлайди, бағри қон бўлар,
Ўзинг мадад бергин, эй Қодир Аллоҳ.

Қолар яхшиликлар, меҳру муҳаббат,
Ширин туйғулару сабру қаноат.
Очликка, тўқликка қилади тоқат,
Ўзинг паноҳ бергин, эй Қодир Аллоҳ.

Ҳақ йўлдан оздирмоқ бўлади шайтон,
Умрнинг заволи сарҳисоб армон.
У фақат ягона бўлади дармон,
Ўзинг даво бергин, эй Қодир Аллоҳ.



КҮНГИЛ

Бу дунё бир эртак экан,
Таъмагирга эрмак экан,
Кимларга тож керак экан,
Ҳақиқатни изла кўнгил.

Жайронларнинг кўзида ёш,
Мунофиқнинг қўйнида тош,
Нечун зарга эгарлар бош,
Ҳақиқатни изла кўнгил.

Окибатни унутдилар,
Сохталик қўлин тутдилар,
Мансабни интиқ кутдилар,
Ҳақиқатни изла кўнгил.

Алп ўғлонлар боши эгик,
Пари қизлар қалби кемтик,
Бевафога кўнгил бердик,
Ҳақиқатни изла кўнгил.

Нопокликдан ҳазар қилгин,
Шароб тутса заҳар билгин,
Чин инсонлик тўнин кийгин,
Ҳақиқатни изла кўнгил.

ТОНГ САБОЛАРИ

Эсар майин тонг саболари,
Варақлайди умр дафтарин.
Авж олади булбул куйлари
Уйғонади бу улуғ замин.

Заррин қуёш нурин таратар,
Уйғонади бутун мавжудот.
Беркинади митти юлдузлар
Тонг уйғотар борлиқни, ҳайҳот.

Гўзалликка бурканар олам,
Гўзал бўлар қирлар, адирлар.
Кўрса завқи келади одам
Қуюлади дилдан сатрлар.

Тўлиб-тошиб оқмоқда анҳор,
Сойда сочин ўрар мажнунтол.
Қўшиқ олиб келмоқда баҳор
Қучоқ очиб, дўстим, кутиб ол!

ЯЛПИЗГИНАМ

(Марҳум устоз Муҳаммад Юсуфга)

Олис карвон тўхтагил бир пас,
Қайси манзил томон шошасан.
Нега содда Муҳаммадингни,
Бағримиздан юлиб қочасан.

Ана, тоғлардаги жайронлар;
Ўксик қалби билан сўзлайди.
Ҳатто боши эгик оҳулар,
Садарайхон нега бўзлайди.

Ялпизгинам соғиндингни айт?
Сени эркалаган эркангни.
Куйчи булбул овозинг бўғиқ
Унутмагин энди эртангни.

Капалакжон – меҳрибонгинам,
Қизғалдоқнинг қўлидан тутгин.
Марҳаматга шошил ушбу дам
Муҳаммадни зиёрат этгин.

Ахир, сени севиб, эркалаб,
Пешонангни қўйган лабига.
То қиёмат ҳилпираб тургин
Кокилингни ёйиб қабрига.

ЙИГИТНИНГ

Пок муҳаббат бўлсин дилида,
Вафо ҳамроҳ бўлсин йўлида,
Хайру савоб бўлсин қўлида,
Йигитнинг чин севгани бўлсин.

Иймони бут, лабзи ҳалол,
Омад қучсин ва топсин камол.
Буюк номи кўрмасин завол,
Бахт-иқболи кулгани бўлсин.

Қўшиғи мос бўлсин куйига,
Ризқ-барака бўлсин уйида,
Бўйтуморлар тақсин бўйига,
Уйда кутган аёли бўлсин.

Йигит қасам ичмайди асло,
Белбоғи бор, унутмас аммо,
Йигитликдан қолсин доимо,
Ҳам оқибат, вафоси бўлсин.

КУЙЛАНГ

(Муҳаббат куйчиси Илҳом Фармоновга)

Дарёлардек оқиб куйланг сиз,
Дилни ўртаб, ёқиб куйланг сиз.
Дарди борга боқиб куйланг сиз,
Садоқатни куйланг, Илҳомжон.

Куйланг оналарнинг дардини,
Инсонларнинг асл мардини,
Оталарнинг билсин қадрини,
Оқибатни куйланг, Илҳомжон.

Куйланг Ўзбекойим қизини,
Ибоси-ю, ширин сўзини,
Бўялмаган қаро кўзини,
Назокатни куйланг, Илҳомжон.

Мусофирнинг муштоқ дуосин,
Ўксик қалбнинг ўксик нидосин,
Меҳр-муҳаббат ибтидосин.
Ўтмишини куйланг, Илҳомжон.

Кўнгил бўлган кўзгуларимни,
Оллоҳ берган туйғуларимни,
Куйга муштоқ дил сўзларимни,
Жўшиб-жўшиб куйланг, Илҳомжон.

МЕН ОШИҚМАН

Қарашлари юракка ўтлар солади,
Бу оташда юрагим лов-лов ёнади,
Йўлин тўссам “ака” деб жоним,
Мен ошиқман Қашқадарё шўх қизига.

Кўзим тўймас ойрухсору гул юзига,
Жоним садқа ширин забону сўзига,
Севишимни айтаман бир кун ўзига,
Мен ошиқман Қашқадарё шўх қизига.

Қашқадарё навосида хиром этар,
Минг ошиқни куйдиришда давом этар,
Бу қизгина бир кун мени тамом этар,
Мен ошиқман Қашқадарё шўх қизига.

Парвоз этинг садоқатли осмонларга,
Ўзим қалқон сиз ёқтирмас ёмонларга,
Меҳмон бўлинг Шаҳрисабз томонларга,
Мен ошиқман Қашқадарё шўх қизига.

Ўзим айтай Шаҳри Кешнинг ёр-ёрини,
Шайдо айланг ошиқ кўнглим гулзорини,
Тақиб қўяй Темур бобом туморини,
Мен ошиқман Қашқадарё шўх қизига.

АЁЛ

Тунларни тонгларга улаган,
Худойимдан фарзанд тилаган,
Фаришталар бошин силаган,
Тирноққа зор қилма аёлни.

Оҳу кўздан тўкма ёшини,
Номардларга эгма бошини,
Шайтонларга берма ошини,
Тирноққа зор қилма аёлни.

Ширин сўзга гадолар қилма,
Муҳаббатин савдолар қилма,
Ожизадир, бағрини тилма,
Тирноққа зор қилма аёлни.

Аёллар бор, шодлан, эй дунё,
Алласидан поклан, эй дунё,
Қалби узра отлан, эй дунё,
Тирноққа зор қилма аёлни.

Беш кунинг ҳам ўтиб кетади,
Армонларни ютиб кетади,
Лекин аёл абад кутади,
Тирноққа зор қилма аёлни.

Унинг буюк давлати фарзанд,
Ва тенги йўқ савлати фарзанд,
Энг сўнгги дам, ноласи фарзанд,
Тирноққа зор қилма аёлни.

Синамагин аёл сабрини,
Эъзозлагин буюк қадрини,
Камлаб бергин унинг дардини,
Тирноққа зор қилма аёлни.

БОЛАЖОН

Норасида юрагингда,
Оламга тенг дард ётар.
Митти кўзлар кўкка боқиб,
Юлдуз санаб тонг отар.

Сен ёлғон муҳаббатнинг,
Қурбоними, болажон.
Ё бевафо хиёнатнинг,
Сарсоними, болажон.

Бағритошга айб эдими,
Бу дунёга келганинг.
Қисматингга битилганми,
Меҳр истаб юрганинг.

Кўз ёшингдан маржон тақсин,
Сенсиз юрган оналар.
Тош қалбини ўтда ёқсин,
Сенсиз юрган оталар.

СИЗ ДЕБ ЯШАЙМАН

Кўзимни ҳеч кимга бермадим,
Айрилиқда яшашни билмадим,
Сизсиз дунёларга сиғмадим,
Бу дунёда сиз деб яшайман.

Изингизда қолди кўзларим,
Дилингизда ширин сўзларим,
Армондан чўкмоқда бўйларим,
Бу дунёда сиз деб яшайман.

Қалбимда очилган райҳоним,
Ширин азоб берган пайконим,
Сизсиз узилмайди бу жоним,
Бу дунёда сиз деб яшайман.

Сизсиз менинг кўкдаги моҳим,
Мендан қолар абадий оҳим,
Асраб юрсин сизни Аллоҳим,
Бу дунёда сиз деб яшайман.

МУҲАББАТ

Қалбимдаги дилрозим,
Ва оташин шўх созим,
Ҳар баҳору ҳар ёзим,
Тарк айлама муҳаббат.

Муҳаббатжон, борим бўл,
Ҳам дўсту, ҳам ёрим бўл,
Мендан қолар оҳим бўл,
Йироқ кетма, муҳаббат.

Сарсон бўлдим начора,
Раҳм айлагин бир бора,
Бу бевафо дунёда,
Вафодор бўл, муҳаббат.

Юрагимда пок туйғу,
Сендан йироқдир қайғу,
Сен-ла, яшайман мангу,
Баҳорим бўл, муҳаббат.

ШАҲНОЗА

Тонгда қўлим очдим дуога,
Оҳларим кўп, айтдим сабога,
Сабо олиб борсин Худога,
Шаҳнозани мендан айирма.

Ўзбегимни гул қизи эрур,
Қизларойим булбули эрур,
Қалбимнинг пок сумбули эрур,
Шаҳнозани мендан айирма.

Мени ишқ ўтига солгин,
Моҳитабон ёр бўла қолгин,
Азобингда жонимни олгин,
Шаҳнозани мендан айирма.

СОҒИНЧ

Ошиқ дилим ўртайверади,
Қалбим сени куйлайверади,
Кўнглим маюс йиғлайверади,
Гулим, сени соғинган кеча.

Эркагинам, парирўйимсан,
Орзу қушим, ширин ўйимсан,
Тўхтамайди ёшлар кўзимдан,
Гулим, сени соғинган кеча.

Осмонимда порлаган юлдуз,
Моҳитабон, ошиқи дилсўз,
Мен ўзимни сезаман ёлғиз,
Гулим, сени соғинган кеча.

Соғинчларим осмон бўлди-ку,
Севгим элда дoston бўлди-ку,
Кутавериб сабрим тўлди-ку,
Гулим, сени соғинган кеча.

Соғинтирмай, кел энди дилдор,
Тингла ошиқ дардимни бир бор,
Висолингга қилма интизор,
Гулим, сени соғинган кеча.

ШАҲРИ КЕШ ҚИЗЛАРИ

Тўлин ойдир юзлари,
Оҳу сифат кўзлари,
Гўзалликда тенги йўқ
Шаҳри Кешнинг қизлари.

Бол томади сўзидан,
Нур ёғилар юзидан,
Тунлар лолдир кўзидан
Шаҳри Кешнинг қизлари.

Ҳунарни у зар билар,
Ҳамма ишларда чевар,
Қўшиқ куйлар, шёър ёзар
Шаҳри Кешнинг қизлари.

Пазандаю, созанда,
Донғи кетган хонанда,
Лабидан тушмас ханда
Шаҳри Кешнинг қизлари.

Йигитлар бўлманг ҳайрон,
Бу ер Шаҳри Кеш – бўстон,
Таърифи элга дoston
Шаҳри Кешнинг қизлари.

АРМОН МУҲАББАТ

Ишқ навосин чертолмай тор йиғлайди,
Айрилиқда юрак зор-зор йиғлайди.
Ёт уйида мен севган ёр йиғлайди,
Қалбимда энг буюк армон муҳаббат.

Изинг қолган кўчаларни кезиб келдим,
Васлинг излаб, юрагимни эзиб келдим.
Кўз ёшимдан кўзмунчоқлар тизиб келдим,
Қалбимда, ёр, сенсиз сарсон муҳаббат.

Олислардан кўриб турай дийдорингни,
Юрагимдан ранг олган лолазорингни.
Хазонлардан ўзим асрай гулзорингни,
Қалбимда ўтмишинг дармон муҳаббат.

Сен кетдинг бу дунёдан тўзиб кетдим,
Эҳ, сенсизлик уммонига чўкиб кетдим.
Ошиқ бўлиб девонадан ўзиб кетдим,
Қалбимда энг буюк армон муҳаббат.

МУНДАРИЖА

Ижодий парвоз тилаб.....	3
Ватан бу	4
Ойдиной	5
Қашқадарё	6
Гулираъно	7
Ният	8
Ватан	9
Юрак ноласи	10
Оқибат	11
Она дуоси	12
Шоир севгиси	12
Ишқ	13
Ўзбек аёли	14
Шаҳрисабз йигитлари	15
Кўзларингда яшайман	15
Илтижо	17
Кўнгил	18
Тонг саболари	19
Ялпизгинам	20
Йигитнинг	21
Куйланг	22
Мен ошиқман	23
Аёл	24
Болажон	25
Сиз деб яшайман	26
Муҳаббат	26
Шаҳноза	27
Соғинч	28
Шаҳри Кеш қизлари	29
Армон муҳаббат	30

МАНСУР ЮНУС

ТОНГ САБОЛАРИ

**Муҳаррир
Маъмура ҚУТЛИЕВА**

**Мусаҳҳиҳ
Бахтиёр КАРИМОВ**

**Тех муҳаррир
Вера ДЕМЧЕНКО**

**Компьютерда саҳифаловчи
Дилдора ЖЎРАБЕКОВА**

Босишга 23.06.2009 й.да рухсат этилди.

Бичими 70x84 1\32. Босма тобоғи 2,0.

Шартли босма тобоғи 1,9.

Гарнитура "LexTimes Cyr+Uzb". Офсет қоғоз.

Адади 500 нусха. Буюртма № 143.

Баҳоси келишилган нархда.

«Янги аср авлоди» НММда тайёрланди.

«Ёшлар матбуоти» босмахонасида босилди.

100113. Тошкент, Чилонзор-8, Қатортол кўчаси, 60.

Мурोजаат учун телефонлар:

Нашр бўлими – 278-36-89;

Маркетинг бўлими – 128-78-43

факс — 273-00-14; e-mail: yangiasr@inbox.ru